



Кондакъ ѿ.

Избранный учениче великаго учи-
теля, Богоноснаго чудотворца Кирилла,
и дивный подражателю житіа его
стаго, Преподобне оче Мартиніане
пѣснми восхваляемъ тв сълюбовію,
стаго заступника нашего, ты же яко
имѣяи дерзновение ко Гдѣ, молися
емъ выну, о спасеніи насъ грѣш-
ныхъ, отъ всякихъ бѣдъ избавляя
зовущихъ ти: Радѣйся, Мартиніа-
не, дивный подвижникче и чудворче.

Икосъ ѿ.

Ангеломъ любезною чистотѣ ѿ

юности твоея возлюбивъ, Преподобне
оце Мартиніане, къ добродѣтели
подвижнику, преподобномъ Кирил-
лу, отъ родителей твоихъ приведенъ
былъ еси, отрокъ лѣты, но неразумомъ
отъ него-же съ любовію пріятый,
священному писанію обученный,
и во иночество облеченный, уче-
никъ его любимый, и подражатель
ревносный подвиговъ его явился
еси. Тѣмже славимъ твѣ: возваніи
симми: Радѣйся, пустыни доброе
проявленіе, радѣйся, чадо истин-
наго послушанія, радѣйся, Еван:

гелія Хрѣтва вѣрный послѣдователю,
радѣйся, заповѣдей Іисвыхъ ревност-
ный исполнитель, радѣйся, Бѣгонос-
наго Кирилла, присный учениче,
радѣйся дородѣтели его наследникче.
радѣйся, постомъ умертвивый въ се-
бѣ дѣштенныя страсти, радѣйся мо-
литвами усердными, отразивый вся
искушениа дѣвольскія: радѣйся, вос-
шедый на высоту совершенства
духовнаго: радѣйся, приникый во
глубину смиренія святаго: радѣй-
ся, слезъ твоихъ теченми, плодо-
носивый ниву духовную: радѣйся,
иже изъ глубины воздушными
пріобрѣтый чистоту сердечную.

Радуйся, Мартиніане, дивный
подвижникъ и чудотворче.

Кондакъ В.

Видѣвъ преподобный Кириллъ, бла-
гое души твоея изволеніе еже ра-
ботати Гдѣви, возлюби тя оче Мар-
тиніане, и въ келіи своей оби-
тати тя устрои, поучая тя сло-
вомъ и примѣромъ своимъ, на
всяку иноческую добродѣтель;
егда же онъ въ келіи своей мо-
лящеся, ты же близь него стоа
поклоны полагаа еси и вкупѣ
съ нимъ благопріятно вопіаа
еси ко Гдѣу: Аллилуіа.

ИКОСЪ В.

Разумѣвъ, непорочную чистоту души
твоея, преподобный Кирилль, и зря
тѣ прозорливыми очесы, сосудъ из-
бранъ Божіей благодати, въ діако-
на и пресвитера возвождаше тѣ,
оцѣ Мартиніанѣ, да вкупе съ
нимъ предстоиши и служиши
олтарю Гдню: ты же, избраніе
его добръ оправдалъ еси, житі-
емъ равноангельнымъ и усерд-
нымъ служеніемъ церковнымъ
и былъ еси утѣшеніемъ духов-
нымъ стаго твоего старца. о
семъ тѣ хвалимъ и зовемъ:

радѹйся, жестокоє, и моческое жи-
тїе проходивый: радѹйся, псалмо-
пѣнїи немолчными Б҃га славивый,
радѹйся, молитвы непрестанныя
Гдѣви возносивый: радѹйся пост-
ниче неизнемогающїй по два и
три дне пищи не вкушавый: ра-
дѹйся, трудолюбче нелицемѣрный
праздность возненавидѣвый, Радѹй-
ся, худыя и многошвѣйныя ри-
зы носивый: Радѹйся, олтарю Гос-
подню достойно служивый: радѹй-
ся, тайны хр҃товы со страхомъ и
бл҃гоговѣнїемъ совершавый: радѹйся,

въ терпѣніи и смиреніи прѣхспѣвѣый
Радѣйся, равноангеленъ на земли
вывыи: радѣйся, Мартиніане
дивный подвижничѣ и дѣдотворчѣ.

Кондакъ Г.

Силою Бѣжіею укрѣпляемый, Мар-
тиніане преподобне, святому стар-
цу и учителю твоему, Преподоб-
ному Кириллу состарѣвшемуся,
и ослабѣвшу тѣломъ, съ любовію
послужилъ еси и, на раменахъ
своихъ его носилъ еси въ храмъ
Бѣжіи къ пѣнію церковному, ег-
да онъ, представляшеся къ Бѣж-
ты молитвою твоею его на-

пѣствовалъ еси въ странѣ загроб-
нѣю, зовый Хрѣтѣ, Царю и Богу:
Аллилуїа.

Икосъ Г.

Имѣя скорбь велию о кончинѣ
свѣтаго учителя твоего, Прѣдѣвнго
Кирилла, ты въ свѣтлѣмъ видѣ-
нїи зрѣти его сподобилсѣ еси
во славу небесней, оче Марти-
ніане, и възмолвѣя пустыннаго
возжелѣвъ, на островѣ Воже езе-
ра поселилсѣ еси, единъ еди-
номѣ работая Бгѣ. Сего ради
слышиши отъ насъ благохва-

ленія таковая: Радуйся, преподоб-
ныя рѹце твои со дерзновеіемъ
къ Бг҃у воздѣвый: Радуйся, молит-
вы благоумилемыя Господєви
приносивый: радуйся, учителю бла-
гочестіа, радуйся наставниче бо-
гомудріа: радуйся древо благо-
сѣннолиственное при водахъ
пустынныхъ возрастшее: радуй-
ся плоды сладкіа хр҃та при-
несый: радуйся сотворивый и
научивый и велій нареченный
во царствіи небесномъ: радуй-
ся, за труды временнаго житіа

ОБРѢТЫЙ ПОКОЙ ВѢЧНЫЙ: РАДѸЙСЯ,
ПУСТЫНЮ ОСВЯТИВЫЙ ПОДВИГАМИ
ТВОИМИ ДѸОВНЫМИ: РАДѸЙСЯ, ВЪ
НЕЙ О ГДѢ ВЕСИЛИВЫЙСЯ ВЕСЕЛІ-
ЕМЪ НЕИЗГЛАГОЛАННЫМЪ: РАДѸЙ-
СЯ, СПАСЕНІЮ МНОГИХЪ ДѸШЪ ЧЕЛО-
ВѢЧЕСКИХЪ ВИНОВНИЧЕ: РАДѸЙСЯ,
АНГЕЛОПРАВНЫЙ ЧЕЛОВѢЧЕ. РАДѸЙСЯ,
МАРТИНАНЕ, ДИВНЫЙ ПОДВИЖНИЧЕ
И ДѸДОТВОРЧЕ.

КОНДАКЪ Д.

БѸРЮ МНОГОМѢТЕЖНАГО ЖИТЕЙСКА-
ГО МОРА БЕЗМОЛВНО ПРЕШЕЛЪ ЕСИ
ПРЕПОДОВНЕ ОЧЕ, И ВЪ ПРИСТАНЬ
БЕЗСРАСТІА ДОСТИГЛЪ ЕСИ, ОКОРМ-

двѣмъ заповѣдми Христа Бга, аже
выша свѣтильникъ ногамъ твоимъ
и свѣтъ стезамъ твоимъ. Тѣмже
нынѣ въ горнихъ обителяхъ вод-
воряеши ся, вкупѣ съ блаженнымъ
учителемъ твоимъ преподобнымъ
Кирилломъ, и сладце поеши
трїединному Бгх: Аллилуїа.

Икосъ ѿ.

Слышавше мнози о богоугодномъ
житїи твоємъ на островѣ Воже
езера, оче Мартинїане, прихож-
даху къ тебѣ, овїи послушати по-
ученїй твоихъ душеполезныхъ,
овїи же сожителствовати тебѣ

ВЪ ПУСТЫНИ ИХЪ ЖЕ ТЫ СЪ ОТЕЧЬСКОЮ
ЛЮБОВІЮ ПРИЕМАЯ, РУКОВОДСТВОВАЛЪ
ЕСИ СТЕЗЮ^Ю ПРАВУЮ КО СПАСЕНІЮ, И
ОБИТЕЛЬ ПУСТЫННУЮ, ВО ИМЯ ПРЕОБ-
РАЖЕНІА ГДНЯ ВОЗГРАДИЛЪ ЕСИ,
ВСЯ ВЪ НЕИ ПО УСТАВУ УЧИТЕЛЯ
ТВОЕГО ПРЕПОДОБНАГО КИРИЛЛА УС-
ТАНОВИВЪ: ТЕМЖЕ ХВАЛЕБНО ТЕБѢ
ЗОВЕМЪ: РАДУЙСЯ, ПРАВИЛО ВѢРЫ ИС-
ТИННАЯ: РАДУЙСЯ ОБРАЗЪ КРОТОСТИ
ДУХОВНАЯ, РАДУЙСЯ ЧЕЛОВѢЧЕ БЖІИ
ПРЕПОДОВІЕМЪ УКРАШЕННЫЙ: РАДУЙ-
СЯ, ВОИНЕ НЕПОВѢДИМЫИ, ХРТОВЪ
ПОЛКИ НЕВИДИМЫХЪ ВРАГОВЪ

ПОБЕДИВЫЙ: Радѣйся мира дольна-
го мудрый странниче: радѣйся,
въ дородѣтеляхъ благоискъсмый
духовный наставниче. радѣйся,
древнихъ Преподобныхъ отецъ
вѣрный подражателю: радѣйся,
житію и ученію ихъ ревностный
послѣдователю, радѣйся Преподоб-
наго Кирилла нравы себѣ усвои-
вый: Радѣйся, того подвигомъ по-
ревновавый, радѣйся, сыновнею
любовь къ нему ставявый: Радѣй-
ся, вса словеса его и наставленія
въ сердце твое слагавый: радѣйся,
Мартиніане дѣвный пѣвѣнче и чудв-
рче.

КОНДАКЪ ѿ

БОГОТОЧНОЕ СВѢТИЛО БЫВЪ; ВСѢХЪ КЪ
СОЛНЦУ ПРАВДЫ ПУТЕВОДИЛЪ ЕСИ
УГОДНИЧЕ БЖІИ, СЛОВОМЪ И ПРИМѢ-
РОМЪ ЖИТІА ТВОЕГО СВЯТАГО ЕЖЕ
ВСЕ ПОСВЯЩЕНО БЫСТЬ НА СЛУЖЕ-
НІЕ БОГА И БЛИЖНИМЪ ТВОИМЪ:
ОВИТЕЛЬ БО ТВОЯ ПУСТЫННАЯ, УЧИ-
ЛИЩЕ БЛАГОЧЕСТІА ВОИСТИННО БЫСТЬ
ВСѢМЪ, ИЩУЩИМЪ СПАСЕНІА ВЪ ПОД-
ВИГАХЪ ИНОЧЕСКИХЪ, ИХЪ ЖЕ НЕЛѢ-
НОСТНО ПОУЧАЛЪ ЕСИ ВЪ МЛІТВАХЪ
БОДРСТВОВАТИ И ПСАМОПѢНІИХЪ НЕ-
МОЛЧНО ПѢТИ БОГА: АЛЛИЛУІА.

ИКОСЪ Ё.

Видимъ, тв, препднѣ оцѣ Мартинѣанѣ,
достигшаго въ мѣжа совершенна
о Хрѣтѣ, и преисполненнаго дарова-
нїи Бжественныхъ, промысломъ
Бжїимъ дивнымъ поставленнаго
на настоятельство въ обители
Прподобнаго Оерапонта и замѣ-
нившаго его всецѣло для собран-
ныя имъ о Хрѣтѣ братїи. Темже
чудящеся таковому Божїю про-
изволенїю, всѣ строящемъ на
пользѣ душъ чловѣческихъ, во-
пїемъ ти хвалено: Радуйся.

Бла́жннѣишій и́ска́телю блага́ неба́вн-
ныхъ и вѣчныхъ: радѣ́йся, неусып-
ный дѣла́телю винограда́ Христо́ва
радѣ́йся, оверѣ́тый во глубинѣ́ сер-
дца́ твоего́ висерь драгѣ́й, Гда́
И́сусъ: радѣ́йся, има́ Его́ божест-
венное́ вынѣ́ имѣ́вый во уста́хъ
и въ́ сердце́ твоёмъ: радѣ́йся ис-
кренно́ возлюбивы́й иго́ Христо́во
влаго́е и легко́е. радѣ́йся, терпе-
ливо́ носивы́й крестъ́ скорбе́й
и лишене́й иноческихъ: радѣ́-
ся, алка́вый и жаждавы́й на
земли́, нынѣ́ же́ насыща́яся

НЕТЛѢННЫЯ ПИЩИ МА НЕБЕСИ:
Радѣйся, нищета хранимый, да
обогадишися дарами божествен-
ными, радѣйся, добрый Настав-
телю общежитіи иноческихъ:
радѣйся, благоискусный врачъ
болѣзнующихъ грѣхами: радѣйся,
отечески возлюбивый всю о
Христе братію твою: Радѣйся, ус-
чивый благовременно и безвре-
менно чада твоя духовная бо-
гоугожденію истинномъ: радѣй-
ся Мартиніане дивный под-
вижникъ и дѣлоторче.

Кондакъ ѿ.

Проповѣдникъ прозорливый явил-
ся еси преподобне оче, Блговѣрно-
му Великому князю Василію, из-
гнанному ѿ престола своего не-
честивымъ Шемскою, емуже
возвращеніе скорое на прароди-
тельскій престолъ неложно пред-
возвѣстилъ еси яко истинный
угодникъ Бжій, и отъ него зло-
любимъ и почитаемъ былъ еси,
яко блгопріятный ко Господу
предстатель о державѣ Россійстей
уже и нынѣ молитвами твоими

сохраняй отъ всякаго зла да благо-
дарно поемъ Богъ: Аллилуїа.

Икосъ ѿ.

Воссіявъ яко богосвѣтлое свѣтило
въ обители Ферапонтовой, оче Мар-
тиніане, свѣтомъ добрыхъ дѣлъ тво-
ихъ озарилъ еси души и сердца
человѣковъ, искавшихъ отъ тебѣ
наставитися во спасеніе, ^и ^ежи
видѣвъ Блговѣрный Великій кнзь
Василій по возвращеніи своемъ
на престолъ княженія всероссій-
скаго, постави тя Настоятелемъ
великія обители Преподобнаго
Сергія, и содѣла тя своимъ

СОВѢТНИКОМЪ И ОТУЕМЪ ДУХОВНМЪ.
ТѢМЖЕ ТЕБѢ СТОМУ УЧИТЕЛЮ НЕВЕ-
СНЫЯ ИСТИНЫ, ПРИ ВОЗВЫШЕНІИ
✓ СХГХВО СМИРАВШЕМУСЯ, БЛГОУМИ-
ЛЕННО ГЛАГОЛЕМЪ: Радѣйся, еванге-
лія Хрѣтва немолчный проповѣд-
ничѣ: радѣйся, Апостольскихъ пре-
даній ревностный хранителю: ра-
дѣйся, православія свѣтыя догма-
ты въ душѣ твоей, добре утверди-
вый: Радѣйся, вѣрою правою и дѣ-
лы блгими Богу угодивый: ра-
дѣйся, во слѣдъ себѣ ко Хрѣсту
приведый соборъ учениковъ мно-

гихъ: Радуйся, съ ними, яко оубо
со члady восшедый въ радость Гос:
пода твоего: радуйся, не сокры:
вый талантъ тебѣ врѣменный
всевышнимъ домовладыкою: ра:
дуйся, куплю многъ имъ сотво:
ривый, спасеніе душъ человѣчес:
кихъ: радуйся, твоими бо учени
грѣшнѣи покланіемъ Бгхъ угоди
ша: радуйся, твоими бо настав:
ленми заблудшѣи правый пѣть
обрѣтоша: радуйся, ближнѣя твоя
искренне возлюбивый: радуйся,
спасенію ихъ душевному усерд:
но

послуживый: Радуйся, Мартиніане
дивный подвижникъ и чудотворче.

Кондакъ 3.

Хотѣніе едино имѣлъ еси препо-
довне оче, еже Богу благоугожда-
ти и спасенію душевному ближ-
нихъ благочестно служити: темъ
же чуждъ лицепріятіа явился
еси, и егда Великій князь Ва-
силій, неправедно поручитель-
ство твое за единого отъ бо-
лдръ своихъ наруши, ты его гро-
зно обличилъ еси и благосло-
веніа своего лишилъ еси дон-

ДЕЖЕ НЕ ИСПРАВИ НЕПРАВДЫ И СЪ
ПОКЛАНИЕМЪ КЪ ТЕБѢ НЕ ПРИДЕ
ЗОВЫЙ ОТЪ СОКРУШЕННАГО СЕРД-
ЦА БОГА: АЛЛИЛУІА.

ИКОСЪ 3.

НОВАГО ТЯ РЕВНИТЕЛЯ ПО ПРАВДѢ
БЖІЕЙ ПОЗНАВЪ БЛГОВѢРНЫЙ КНЯЗЬ
ВАСИЛІЙ, ПРЕПОДОВМЕ ОЧЕ, УБОЯ-
СА ГНѢВА ТВОЕГО, ЯКО ГНѢВА БО-
ЖІА, И ПОСПѢШИВЪ СВОБОДИТИ ЗА-
КЛЮЧЕННАГО ИМЪ ВЪ ТЕМНИЦУ БО-
ЛАРИНА ПОТЩАСЯ ИДТИ ВЪ ОБИ-
ТЕЛЬ СВ: ТРОИЦЫ И ПРЕПОДОВНАГО
СЕРГІА, ДА ИСПРОСИМЪ У ТЕБѢ

ПРОЩЕНІА И БЛГОСЛОВЕНІА: ТЫ ЖЕ СЪ
ЧЕСТІЮ РАДОСТНО ЯКО АНГЕЛЪ БО-
ЖІЙ СРѢТИЛЪ ЕСИ ЕГО ВО ВРАТЕХЪ
ОБИТЕЛИ И БЛГОСЛОВИВЪ ПРОСТИЛЪ
И РАЗРѢШИЛЪ ЕСИ ЕГО ОТЪ СОЮЗА
НЕПРАВДЫ, ЯКО ОТЕЦЪ ЕГО ДУХОВ-
НЫЙ. СЕГО РАДИ И МЫ НАБЧИХОМЪ
СЯ ЗВАТИ ТЕБѢ: РАДУЙСЯ КРИНЕ ПЬС-
ТЫННАГО ПРОЗВБЕНІА, РАДУЙСЯ МИ-
РО ХРТОВА БЛАГОУХАНІА, РАДУЙСЯ
ПРАВДЫ БОЖІЕЙ ПРОВОЗВѢСНИЧЕ:
РАДУЙСЯ, ВСЯКІА НЕПРАВДЫ НЕ-
ВОЗЪНЕННЫЙ ОБЛИЧИТЕЛЮ: РАДУЙ-
СЯ, ОКЛЕВЕТАННЫХЪ И ГОНИМЫХЪ

защитниче: радѣйся, въ темницѣ
заклѣченныхъ освободителю:
радѣйся, отцу чадолубивый уче-
никомъ твоимъ бывый: радѣйся,
власть духовную не воще носи-
вый: радѣйся, душу свою положи-
ти за ближнїа твоя готовъ бы-
вый: радѣйся согрѣшающїа ис-
правлявый: радѣйся обращаю-
щїа съ любовїю принимаый:
радѣйся, спасенїю человѣческо-
му усердно послуживый: Радѣй-
ся Мартинїане, дивный под-
вижникъ и ~~чудотворче~~.

Кондакъ Й.

Странника и пришельца въ мѣрѣ
семь промышлялъ еси себе быти.
Мартиніане превлаженне, и зѣ-
ло тѣготилсѣ еси настоятельст-
вомъ обители Сергіевы, желая
въ безмолвіи и убожествѣ жити
и о спасеніи душевнемъ точію
помышляти: Сего ради настоя-
тельство тамо оставилъ еси и
въ обитель Ферапонтову паки
пришелъ еси, въ ней же до конца
дней твоихъ благоуменно пѣлъ
еси Ангелскую пѣснь Бг҃у: Аллилуіа.

ИКОСЪ Й.

ВЕСЬ ВЪ БОЗѢ БЫВЪ ОЧЕ ПРЕПОДОВНЕ
О БОЗѢ И БЛГОУГОЖДЕНІИ ЕМУ, ПРИ-
СМО БЕСѢДОВАЛЪ ЕСИ СО УЧЕНИКИ
ТВОИМИ, И СЛЕЗЫ МНОГІА ИЗЛИВА
ЕСИ ОТЪ ОЧЕСЪ ТВОИХЪ ПРИ БЕСѢ-
ДАХЪ СИХЪ, УМОЛЯА ЧАДА ТВОА
ДУХОВНАА НИЧТОЖЕ ПРЕПОЧИТА-
ТИ ПЛЧЕ ЛЮБВЕ ХРѢТОВЫ. ПОМИНАА
УБО ТАКОВЫА ТВОА ДШЕСПАСИТЕ-
ЛЬНЫА БЕСѢДЫ, И ЧЕВСТВУА БГОМЪ
ПРЕСЛАВНЫХЪ УЧЕНИКОВЪ ТВОИХЪ:
СВѢТИТЕЛЯ ІОАННАРА, ПРЕПОДОВНАГО
КАСІАНА, И ХРѢТА РАДИ ЮРОДИВАГО
ГАЛАКТИОНА, ЗОВЕМЪ ТИ СИЦЕ:

Радѣйся, благоухмиленною бѣсѣ:
дою твою миролюбцы ко хрѣсту
обративый: радѣйся, наставляем:
ми твоими богомудрыми сла:
толюбцы воздержанію нахчивый:
радѣйся, тихостію словесъ тво:
ихъ грѣшники на покаяніе на:
ставивый: радѣйся нищелюбеу
совершенный вывый: радѣйся
блаженство нищихъ духомъ
умасладивый: радѣйся, Святи
телю Толсарахъ, престоль Епис:
копскій для безмолвія пѣс:
тыннаго оставльшему, другъ

и наставникъ о Бозѣ бывый: радуй
ся преподобнаго Касіана достои-
нство княжеское на одеждѣ ино-
ческѣю измѣнити хвѣщавый: Ра-
дуйся, Хрѣта ради юродиваго Га-
лактіона, въ подвизѣхъ его вели-
кихъ укреплявыи: радуйся, любовь
твою Богу, любовію къ ближнимъ
свидѣтельствовавый: радуйся, Бо-
гомъ возлюбленный и ближними
твоими благословляемый: радуйся
похвалами молитвенными до-
днесь отъ вѣрныхъ почитаемый:
Радуйся, Мартиніане дивный
подвижникъ и чудотворче.

Кондакъ Ѧ.

Всѣмъ приходившимъ къ тебѣ, мо-
литвы и благословенія ради Препо-
добнаго Отца, дивно бысть видѣти тя
дѣховника великоумнаго въ ра-
здранной и мношвейней ризѣ
ходившаго, и зѣло нищетно въ ке-
ліи твоей пребывавшаго: облаче-
ты всѣхъ равною любовію прини-
малъ еси богатыхъ и убогихъ,
вельможъ и простыхъ, и коемъ
ждо слово на пользу душевную
изрѣкалъ еси, поучая ихъ благо-
честно жити, и благоугождати

Богъ верою правою и дѣлы благи
ми, и пѣти емъ: Аллилуїа.

Икосъ Ѳ.

Витїи премудрыхъ превозшелъ
еси преподобне оче, благодатнымъ
помазанїемъ словесъ твоихъ,
имиже грѣшнїи на покаянїе
приводилъ еси, и всемъ путь
спасительный ко Хрѣту показалъ
еси, по немуже самъ неуклонно
шествовалъ еси, до блаженныя
твоея кончины, достойный воинс-
тинну похвалъ таковыхъ: Радуйся,
написавый на скрижалехъ серд-
ца твоего законъ Христовъ:

Радѣйся, отъ глубины сердечныхъ из-
носивый добра и душеспаситель-
ныя наставленія: челоуѣкомъ.

радѣйся, яко-вышла слова твоя
медя сладчайша жаждавшимъ
ученіа духовнаго: радѣйся яко
твоими наставленіи спасоша
ся мнози: радѣйся главо стѣла
благодатію Божіею осененная,
радѣйся, проповѣдниче сладко-
глаголивый, вѣщавый слова
жизни вѣчныя; радѣйся, пус-
тынный гражданинъ, грады и
веси наполнивый славою тво-

и хъ подвиговъ: радуйся, масли-
но Божіа благословеніа, еаже
плодами ^{пи}на тахомса вѣрніи,
Радуйся, приведи ко Хрѣту учени-
ки твоя, въ добродѣтели хъ прехс-
пѣвшіа: радуйся, уготовавый
ученими твоими Гдѣви подвиж-
ники совершенныа; радуйся,
воеводо благоискусмый воиновъ
духовныхъ: радуйся, руководи-
телю предобрый иноковъ пус-
тымлюбивыхъ: радуйся,
Мартиніане, дивный под-
вижникъ и чудотворче.

Кондакъ І.

Спасенія надеждѣ ставжалъ еси
при исходѣ твоємъ преподобне оче
Мартиніане и въ старости глѣбо-
цей, яко пшеница зрѣлая, во вре-
мя пожатая, кончиною благою
переселился еси отъ земли въ оби-
тели горнія, пріяти мзду отъ руки
праведнаго мздовоздателя Христа
иже вчини душу твою со духи
свѣтыхъ, немолчно возглашаю-
щихъ предъ престоломъ славы
его побѣдную пѣснь: Аллилуіа.

ИКОСЪ I.

Царя небеснаго Хрѣта, вѣрный рабъ
и послѣдователь былъ еси оче
Мартиніане, иже чюдесъ благо-
датію прослави тѣ лбїе, по кончи-
нѣ твоей и благоуханіе сладост-
ное источилъ еси отъ святыхъ
мощей твоихъ. Темже вѣршемъ
несомнѣнно яко ты со Хрѣтомъ
во обителехъ блаженства вѣчна-
го водворѣшися, и радости нѣт-
лѣнныя насладѣшися, яко
истинный того угодникъ, отъ насъ
же слышиши благохваленїа
сія: Радуйся, радостно преда-

ВЫЙ ДУШУ ТВОЮ ВЪ РУЦѢ БОЖІИ, РА-
ДУИСЯ, СВАТЮ КОНЧИНУ ПОЛУЧИВЫИ
ВЪ ВОЗМЕЗДІЕ ТВОИМЪ ПОДВИГОМЪ:
РАДУИСЯ, ПРЕСЕЛИВЫИСЯ ОТЪ ЗЕМ-
ЛИ КЪ ОБИТЕЛЕМЪ НЕБЕСНЫМЪ:
РАДУИСЯ, ТАМО СО СВАТЫМИ НАС-
ЛАЖДАИСЯ БЛАЖЕНСТВА ВѢЧНАГО,
РАДУИСЯ, СТАЖАВЫИ КЪ НЕМУ
ДЕРЗНОВЕНІЕ МНОГОЕ. РАДУИСЯ, ТѢ-
ЛОМЪ СМЕРТНЫМЪ ВЪ ТѢРАПОНТО-
ВОИ ОБИТЕЛИ ЧЕСТНО ПОГРЕБЕННЫИ
РАДУИСЯ, ДУШЕЮ БЕЗСМЕРТНОЮ КЪ
СИОНУ ГОРНЕМУ ВОСПАРИВЫИ, РА-

раду́йся, отъонѣдѣ милостивно при-
никлави (до д.) долѣ къ земмород-
нымъ, раду́йся, исцѣленіѣ благо-
датныѣ источаѣ отъ мощей
твоихъ свѣтыхъ, Раду́йся, нест-
лѣніемъ чудотворнымъ отъ Гос-
пода почтенный: Раду́йся, чуде-
сы многими прославленный
Раду́йся, Мартиніане дивный
подвижникъ и чудотворче.

Кондакъ Іѡ.

Пѣніе пресвѣтей Троицѣ горѣ
приносиши, преподобне отче
нашѣ Мартиніане, и всѣмъ

СЪ ВѢРОЮ ПРИТЕКАЮЩИМЪ КЪ ЧЕСТ-
НОМУ ТВОЕМУ ГРОВУ ДАРЫ ЦѢЛЕБ-
НЫЯ НЕ ОСКУДНО ПОДАЕШИ, ПРИС-
НО ХОДАТЯЙСТВУА ЗА НАСЪ ПРЯДЪ
ГДѢМЪ И ПРОСА НАМЪ МІРА
СВЫШЕ И БЛАГОПОСПѢШЕНІА ВО
ВСЕМЪ БЛАГОМЪ, ТѢМЖЕ СЪ ЛЮ-
БОВІЮ ТЯ ПОЧИТАЕМЪ И СЛАВИМЪ
ПРОСЛАВЛЬШАГО ТЯ ТРІЄДИНАГО
БОГА ЗОВУЩЕ. АЛЛИЛУІА.

Иносѣ Іа.

Свѣтильника тѣ добрыхъ дѣлъ
не сокры подъ спудомъ зем-

НЫМЪ БЛАГИХЪ ПОДАТЕЛЬ БѢ
МАРТИІАНЕ ВСЕБЛАЖЕННЕ, МО
ПО ТРИДЕСАТИХЪ ЛѢТЕХЪ ПО ПОГ
РЕБЕНІИ ТВОЕМЪ, АВИ ОТЪ НЕДРЪ
ЗЕМЛИ СВЯТЫЯ ТВОЯ МОЩИ ЦЪ
ЛЫ И НЕТАБНЫ СИМЪ ПОДВИ
ЗАВ ВѢРНЫА ВОПИТИ ТЕБѢ: Ра
дѣйся ЗЕМНЫИ АНГЕЛЕ И НЕ
БЕСНЫИ ЧЕЛОВѢЧЕ: Радѣйся,
ВЕЗМЕЗДНАГО ВРАЧА ИСТОЧНИЧЕ,
Радѣйся СОКРОВИЩНИЦА ДАРОВЪ
БОЖІА БЛАГОДАТИ, радѣйся рѢКО
ПРИСНОТЕКУЩАА ЧУДЕСЪ, радѣйся,

НЕГЛѢНІА ЦВѢТЕ ПРЕКРАСНЫЙ,
РАДХИСА, БЕЗСМЕРТІА ЗАРЕ ПРИС-
НОСИЮЩАА, РАДХИСА, СКОРБАЩИХЪ
УТѢШИТЕЛЮ, РАДХИСА, БОЛѢЩИХЪ
ЦѢЛИТЕЛЮ: РАДХИСА, УНЫВАЮЩИХЪ
ОБОДРИТЕЛЮ, РАДХИСА, ИЗБАВИТЕ-
ЛЮ БѢДСВУЮЩИХЪ, РАДХИСА ВЪ
СОНІИХЪ ВИДѢНІИХЪ ВѢРНЫА
ПОСѢЩААИ, РАДХИСА, БЛИЖНИИМЪ
И ДАЛЬНЫМЪ МИЛОСТИ ЦѢЛЕВ-
НЫА ПОДАВААИ, РАДХИСА, Мар-
ТИНІАНЕ ДИВНЫЙ ПОДВИЖНИЧЕ
И ЧУДОТВОРЧЕ.

Кондакъ ІВ.

Благодасть и милость испроси
у Гда, преподобне оче Марти-
ніане, почитающимъ съ любовію
твое успеніе и честныхъ мощей
твоихъ обрѣтеніе и усердно при-
текающимъ къ многоцѣлебному
твоему гробу, отъ негоже чудес-
ныя исцѣленія подаеши недуж-
нымъ. Темже тебе чудотворенія
даромъ отъ Года прославленно-
мъ прилежно молимся, исцѣли

НАША НЕДЪГИ ДУШЕВНЫЯ И ТѢЛЕС-
НЫЯ И ПОМОЗИ НАМЪ ПРЕСТАТЕЛЬ-
СТВОМЪ ТВОИМЪ СПАСЕНІЕ ВѢЧ-
НОЕ ПОЛУЧИТИ, ДА ВКУПѢ СЪ ТОВОЮ
ВОСПОЕМЪ ДИВНОМУ ВОСВЯТЫХЪ
СВОИХЪ БОГЪ: АЛЛИЛУІА.

ИКОСЪ ІВ.

ПОЮЩЕ ПОДВИГИ ТВОЯ, ПРЕПОДОБ-
НЕ ОЧЕ УБЛАЖАЕМЪ РАВНОАНГЕЛЬ-
НОЕ ЖИТІЕ ТВОЕ, ДИВИМСЯ ПРЕ-
ЛАВНЫМЪ ЧУДОТВОРЕНІЯМЪ ТВО-
ИМЪ, МОЛИТВЕННО ПОЧИТАЕМЪ

стѣю память твою, и припадаю
къ рацѣ мощей твоихъ, умиль-
но глаголемъ: Радѣйся пресвя-
тыя троицы вѣрный угодниче
радѣйся, прѣтыя бѣдѣны дос-
тойный предстоителю, радѣйся,
англьскихъ ликовъ собесѣдни-
че: радѣйся, всѣхъ святыхъ со-
жителю, радѣйся, иноковъ сла-
во и похвало, радѣйся, страны
Бѣлозерскія духовное украшеніе
радѣйся, державы россійскія

Благонѣж^{на}ное украше^ніе, радѣ^нсѣ,
всѣхъ любящихъ и чѣ^нщихъ тѣ
крѣпкое заступленіе, радѣ^нсѣ,
прославляющихъ тѣ благіи пред-
стателю, Радѣ^нсѣ, почитающихъ
память твою, невидимый покро-
вителю; радѣ^нсѣ, поклоняющим-
сѣ многоцѣлебнымъ мощемъ
твоимъ подавай благодатныя
дары; радѣ^нсѣ, недѣговъ душев-
ныхъ и тѣлесныхъ безмезд-
ный врачъ; радѣ^нсѣ, Марти-

МІАНЕ ДИВНЫЙ ПОДВИЖНИЧЕ
И ЧУДОТВОРЧЕ.

КОНДАКЪ ІГ.

СѢ ПРЕПОДОВНЕ И БОГОМОСНЕ
ОЧЕ ^{НАШ} МАРТИМІАНЕ! ПРИМИ МИ
ДОСТИВНО СІЕ МАЛОЕ ПОХВАЛЬ-
НОЕ ПѢНІЕ ОТЪ УСЕРДІЯ НАШЕ-
ГО ТЕБѢ ПРИНОСИМОЕ СЪ ВѢРОЮ
И ЛЮБОВІЮ И МОЛИ ГДА И ВЛА-
ДЫКУ НАШЕГО, ИЗБАВИТИ НАСЪ
ПОГИБЕЛИ ВѢЧНЫЯ И СПОДОБИ-
ТИ БЛАЖЕНСТВА ВѢЧНАГО, ВОПІ-

ЮЩИХЪ ЕМУ ВѢЧНО ХВАЛЕБНУЮ
ПѢСНЬ: АЛЛИЛУІА.

Сей кондакъ чтется 3^и и Икосъ 1^и
и кондакъ 1^и.

МОЛИТВА.

О СВАЩЕННАА ГЛАВО, ЗЕМНЫЙ
АНГЕЛЕ И НЕБЕСНЫЙ ЧЕЛОВѢЧЕ,
ПРЕПОДОВНЕ ОЧЕ НАШЪ МАРТИ
НІАНЕ! ПРИПЛАДЕМЪ КЪ ТЕБѢ
СЪ ВѢРОЮ И ЛЮБОВІЮ: АВИ НАМЪ
СМИРЕННЫМЪ И ГРѢШНЫМЪ

СВЯТОЕ ОТЕЧЕСКОЕ ТВОЕ ЗАСТУП-
ЛЕНІЕ, СЕ БО ГРѢХЪ НАШИХЪ НЕ
ИМАМЫ СВОБОДЫ ЧАДЪ БОЖІИХЪ
ПРОСИТИ О ПОТРЕБАХЪ НАШИХЪ
ГОСПОДА И ВЛАДЫКУ НАШЕГО,
НО ТЕБЕ МОЛИТВЕННИКА БЛА-
ГОПРІЯТНАГО КЪ НЕМУ ПРЕДЛА-
ГАЕМЪ И ПРОСИМЪ ТЯ СО УСЕР-
ДІЕМЪ МНОГИМЪ, ИСПРОСИ
НАМЪ У БЛАГОСТИ ЕГО БЛАГО-
ПОТРЕБНЫЯ ДАРЫ ДУШАМЪ И
ТѢЛЕСЕМЪ НАШИМЪ, ВЪРХЪ

ПРАВУ, НАДЕЖДУ СПАСЕНІЯ НЕСОМ-
НѢННУ, ЛЮБОВЬ КО ВСѢМЪ МЕЛИ-
ЦЕ ~~ПРІВѢРНУ~~, ВО ИСКУШЕНІИХЪ
МУЖЕСТВО, ВЪ ЗЛОСТРАДАНІЯХЪ
ТЕРПѢНІЕ, ВЪ МОЛИТВАХЪ ПОСТО-
ЯНСТВО, ДУШЪ И ТѢЛЕСЪ ЗДРАВІЕ,
ЗЕМЛИ ПЛОДОНОСІЕ, ВОЗДУХА
БЛАГОРАСТВОРЕНІЕ, ЖИТЕЙСКИХЪ
ПОТРЕБЪ ДОВОЛЬСТВО, МИРНОЕ И
БЕЗМАТЕЖНОЕ ЖИТІЕ, БЛАГЮ
ХРИСТІАНСКЮ КОМЧИНУ И ДОБ-

^арыи ^аотвѣтъ на срашномъ судѣ
^{дѣ}Хрѣтовѣ: Угодниче Божій испроси у Царя Царствующихъ и
Господа Господствующихъ Благо-
честивѣйшему, Самодержавнѣй-
шему Великому Государю на-
шему Николаю Александрѣвичу
всѣя россіи, здравіе, спасеніе
и на враги одоленіе и всему
Богохранимому царству его
міръ, тишину и благостроеніе. Ей,
прѣподобне оче, не лиши насъ

ПОМОЩИ НЕБЕСНЫЯ, НО МОЛИТВА-
МИ ТВОИМИ ВСѢХЪ НАСЪ ПРИВЕ-
ДИ ВЪ ПРИСТАНИЩЕ СПАСЕНІЯ
И НАСЛѢДНИКИ ЛВИ НАСЪ БЫТИ
ВСЕСВѢТЛАГО ЦАРСТВІЯ ХРІТОВА
ДА ПОЕМЪ И СЛАВИМЪ НЕИЗРЕ-
ЧЕННЫЯ ЩЕДРОТЫ ЧЕЛОВѢКОЛЮБ-
ЦА БГА, ОЦА И СНА И СТЛАГО
ДУХА, И ТВОЕ СВАТОЕ ОТЕЧЕСКОЕ
ЗАСТУПЛЕНІЕ, ВО ВѢКИ ВѢКОВЪ.

АМИНЬ.

~ ~ ~